



UNIVERSITÄTS-
BIBLIOTHEK
PADERBORN

Institutiones Canonicæ

Schnorrenberg, Anno

Coloniae, 1740

Titulus XIX. De Probationibus.

[urn:nbn:de:hbz:466:1-62040](#)

per talem substitutionem causa possesso-
ris non sit deterior.

Quæres undecim. Duobus litiganti-
bus de beneficio in Curia Romana, &
uno vel utroque mortuo, ad quem per-
tinet collatio?

R. Si duo de beneficio in Curia Ro-
mana litigantes moriantur, collatio talis
beneficii pertinet ad Papam: si atter-
que extra Curiam moriatur, dummodo
tertius jus aliquod in beneficium litigiosum
non prætendat, collatio perti-
net ad Ordinatum: si possessor bene-
ficii in Curia, & alter collitigans ex-
tra Curiam moriatur, collatio ad Sum-
mum Pontificem pertinet: si possessor
beneficii extra Curiam moriatur, ad
Ordinatum pertinet collatio: si neuter
possidebat, unus tamen in Curia, &
alter extra moriatur, collatio pertinet
ad Papam: si unus collitigrantum su-
perfit, & litem prosequatur, benefi-
cium non pendente sed decisâ lite con-

fert vel Papa vel Ordinarius, prout li-
tis decisio vel fuit pro defuncto in Cu-
ria, vel pro alio. Hæc omnia haben-
tur expressa in Clement. si duobus. i. b. t.
Per regulam Cancellariæ de collitigan-
tibus: uno ex litigantibus mortuo col-
litigans substitutionem petere potest.

Quæres duodecim. Qui casus exci-
piuntur, in quibus pendente lite valet
innovatio?

R. Duo. Primus est in cap. fin. de se-
questrat. possess. in quo decernitur, quod
si possessor à lata sententia appellans
fructus possessionis dissipet, appellati-
one pendente fructus sint sequestrandi.
Secundus est in cap. cum in apostolica. 18.
de sponsal. ubi vir, pendente lite cum
uxore, alteram duxerat, quod si divor-
ti sententia sequatur, apud uxorem
secundam est relinquendus, im-
posita viro pœnitentiâ com-
petenti.

T I T U L U S XIX.

D E

Probationibus.

Probatio est rei dubiæ vel contro-
versæ per legitima argumenta
facta ostensio. Dividitur primò
in artificialem & inartificialem.
Artificialis est, quâ arte & industriâ
probantis ex ipsa causa & circumstan-

tiis facti probatur intentum; inartifi-
cialis est, quâ ab extrinseco vel circum-
stantiis extrinsecis causæ sit probatio,
ut per testes, instrumenta, juramen-
tum &c.

Secundò. In plenam & semiplenam.
Uuu 2 Ple-

Plena perfectam facit Judici fidem, ita ut hâc solâ instructus lalentiam ferre possit. Species hujus probationis sunt probatio per duos testes omni exceptione majores, per publicum aut authenticum instrumentum, evidentiam facti, ex inspectione oculari habitam, præsumptionem juris & de jure, juramentum parti adversæ à litigante delatum &c. Semiplena est, quæ etiæ aliquam fidem de rei veritate faciat, non tamen talem, ut Judex ex ea sola procedere, & pro probante pronuntiare valeat; qualis est depositio unius testis, scriptura privata, fama, confessio extrajudicialis. Alia mixta est, quæ sit ex duabus semiplenis probationibus, hæc si ad eundem tendunt finem, in causis civilibus plenam faciunt probationem, sive ejusdem, sive diversi sint generis.

Gloss. in cap. veniens. 10. de testib. V. illorum. quia quæ singula non probant, collata juvant. Dixi: *in causis civilibus;* quia in criminalibus & arduis dux semiplenæ probationes non habentur pro plena probatione, cum in his probationes requirantur luce meridianâ clariores.

Teritio. Dividitur in judiciale, quæ sit in judicio post litem contestatam, & extrajudiciale, quæ sit ante litis contestationem: ut dum testes recipiuntur ad perpetuam rei memoriam.

Quæres primò. Cui in judicio incumbit probatio?

R. Qui aliquid in judicio affirmat, illud probare debet: ita sicut actori incumbit probatio fuz affirmationis, sic quoque reo exceptiones affirmatoriaæ

probandæ sunt. *V. G.* Titius se Cajo 100. aureos credidisse dicit, quod quia Cajus negat, Titius probare debet; at si Cajus creditam quidem sibi pecuniam, sed solutam esse concedit, Cajo incumbit factæ solutionis probatio. Excipiuntur casus tres. *Primus:* nisi ob solam præsumptionem juris ab actore onus probandi in reum transferatur. *Exemplum est in L. cum de indebito. 25. ff. de probat.* ut si actor à reo pecuniam indebetè à se solutam repeatat, tunc facta ab actore solutionis probatione reus pecuniam debitè fuisse solutam probare debet. *Secundus:* nisi reus onus probandi in se sponte suscepit. *Tertius:* nisi Judex onus probandi in reum transferat, ut si ei deferat juramentum.

Quæres secundò. An positionem negativam quis probare teneatur?

14. Positio negativa triplex est: facti, juris, & qualitatis. *Primò.* Negativa facti simpliciter & indefinite probari non potest. *cap. bona memoria. 23. de elect.* quia non entis nullæ sunt qualitates. Negativa facti determinati cum circumstantiis certi temporis, loci, &c. indirectè probari potest. Ut: Titius cum Caja illâ die, coram tali Pastore matrimonium se contraxisse negat: illud indirectè probari potest, videlicet quod illâ die in loco longè distanti fuerit &c. Negativa facti prægnans, hoc est, affirmativam includens directè probari potest: ut quis se sponte & liberè renuntiasse negat, cum implicitè allegret se coactum, coactionem directè probare potest. *cap. super hoc. 5. de renuntiar.* *Secundò.* Negativa Juris, ut dñm

dum quis negat Titium potuisse esse Procuratorem, testamentum factum fuisse validum &c. Probari debet; quia omnia censentur jure licita, nisi probentur prohibita. *3tiō.* Negativa qualitatis, ut quis negat alium ad beneficium Ecclesiasticum esse idoneum &c. etiam à negante probari debet; quia quilibet præsumitur idoneus, nisi de inidoneitate constet, aut illa probetur. *Cap. fin. de presumptionibus.*

Quæres tertiō. Quando utrique parti incumbit probatio?

R. *1mō.* In judiciis communibus si-
ve duplicibus, qualia sunt judicium *Familia Ercifunde*, hoc est: quando agi-
tur inter hæredes de dividenda hære-
ditate: *Judicium de communi dividendo*,
quando Socii, vel qui habent aliquid
commune, agunt de facienda divisio-
ne: *Finium regendorum*, in quo agitur
de finibus vel limitibus agrorum, ter-
ritorii, *Diœcesis* &c. In his, inquam,
judiciis utraque pars litigantium pro-
bare debet; quia utraque agit, & con-
venit: cum ex communione bono-
rum vel finium oriatur, quod alter ad-
versus alterum sibi aliquam partem da-
ri aut assignari petat. Exemplum est in
cap. ex literis. 3. b. t.

2dō. In interdicto retinendæ posses-
sionis, quando utraque pars se in so-
lidum eandem rem possidere ostendit,
utraque pars probare debet, quia utra-
que pars est Actor & reus. Exemplum
est in *cap. licet causam. 9. de b. t.*

Quæres quartiō. An quod quis non
sit Filius v. g. Titii ex Matri assertione
probetur?

R. *Negativè.* Juxta exemplum in *cap. per tuas. 10. de probat.* Ubi præsumptio
orta ex eo, quod quis à parentibus sit
pro filio habitus & tractatus, eam ha-
buit vim, ut non obstante contraria
Matri assertione contrahendum cum
consanguinea Patris putati matrimonii
impediverit.

Quæres quintiō. An reus Actori ad
probandum ejusdem intentionem instru-
menta & documenta sua exhibere te-
neatur?

R. Quia non est æquum, quod ille,
qui ad certamen judiciale provocatus,
provocanti arma, quibus oppugnetur,
subministrare teneatur: ideo reus acto-
ri documenta vel instrumenta contra se,
nisi communia essent, extradere non
obligatur. *Cap. 1. b. t.*

Quæres sextiō. An Actor postquam
plene probavit, ad juramentum, quo
probationes confirmet, sit astringen-
dus?

R. *Negativè.* Etenim juramentum est
probationum suppletorium, ideo ad
ipsum non est recurrendum, nisi quan-
do legitimæ deficiunt probationes. *Cap.*
sicut consuetudo. 2. b. t.

Quæres septimiō. An factâ plenâ cri-
minis probatione contra illam admit-
tenda probatio canonica per testes?

R. *Negativè.* Juxta *cap. ad nostram. 12.*
b. t. Quia si affirmativa probari possit,
quod scilicet crimen sit commissum,
pro negativa nullæ probationes sunt de-
ducendæ.

Quæres octaviō. Qualiter probationes
à partibus factæ sunt excipiendæ?

R. Judex mandare debet, ut omnia
Uuu 3 judicij



judicij acta à Notario , aut illo deficiente , à duobus viris idoneis conscribantur , ut ita in judiciis fides locum habeat , & ne propter assertionem iniqui Judicis innocens litigator lèdatur , copia actorum partibus communicanda est , Prothocollo penes Judicem remanente . *Cap. quoniam. 11. b. t.* Si causa ad alium Judicem devolvatur , acta prioris judicij ad eum sunt remittenda . *Cap. fin. b. t.*

Quæres nonū. Qualis debet esse probatio ?

R. Debet esse *primò* de articulo pertinente secundùm formam libelli . *Secondò* plena , certa , & necessariò concludens : nam probatio obscura non relevat probantem . Est exemplum in *cap. in presentia. 8. b. t.*

Quæres decimò. Quando facienda probatio ?

R. Post litem contestatam : quia **Actor** , quid probare debeat , ante scire

non potest . Deinde ante conclusionem in causa fieri debet ; quia postmodum super iisdem articulis nulla admittitur probatio , *cap. juravit. 6. b. t.*

Quæres undecimò. Quis plenæ probationis effectus ?

R. Judex juxta illam sententiam ferre debet : alias litem facit suam , & omne quod litigatoris interest , ab eo restituendum .

Quæres duodecimò. Quis semiplena probationis effectus ?

R. Quamvis semiplena probatio ad sententiam ferendam sufficere non possit , nisi plures tales semiplena probationes , quæ unam integrum facerent , super iisdem articulis concurrent : at tamen ea est semiplena vis probationis , ut Judex parti adversæ juramentum deferre , aut in illam onus probandi transferre , vel purgationem canoniam injungere , vel demum torturæ subjicere valeat .

T I T U L U S XX.

D E

C O N F E S S I O N E

Prima Probationum Specie.

Adagium Juris est : Propria confessio optima probatio . De qua ,

Quæres *primò.* Quid & quotuplex confessio ?

R. *1mò.* Est illius , quod ab Adversario intenditur , asseveratio . *2dò.* Divi-

ditur in discretam & indiscretam . Discreta fit cum causæ , de qua orta est obligatio , expressione : indiscreta fit tantum genericè , absque causæ expressione , ut si quis se *100* Imperiales debeat confiteatur , tacito contractu , ex quo debeat .